



Broj: 05-14-2-565-4/22
Datum: 13.01.2023. godine

J. Č.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
Ured za borbu protiv korupcije
Kučukovići 2
72 000 Zenica

PREDMET: Mišljenje, daje se-

VEZA: (Vaš akt broj: 21-04-15232-2/22 od 19.12.2022. godine)

U svezi vašeg naprijed navedenog akta kojim tražite od Agencije za prevenciju korupcije i koordinaciju borbe protiv korupcije (u daljnjem tekstu: Agencija) stav i mišljenje za daljnje postupanje o trenutnoj situaciji koja se odnosi na proces revizije diploma, Agencija daje slijedeće

MIŠLJENJE

Vašim aktom ste nas obavijestili da ste inicijativu za reviziju diploma uredno uputili jedinicama lokalne samouprave Zeničko-dobojskog kantona, na koju ste od Općine Tešanj dobili odgovor da se navedena Općina prije samog pokretanja postupka revizije diploma prvo obratila Agenciji za zaštitu osobnih podataka u Bosni i Hercegovini koja je navedenu Općinu usmjerila na Rješenje pod nazivom „Provjera vjerodostojnosti diploma od strane Ureda za borbu protiv korupcije i upravljanja kvalitetom Kantona Sarajevo“ uz detaljno obrazloženje. U privitku ste nam dostavili akt Općine Tešanj broj: 08-30-3-2736-1/22 od 02.12.2022. godine kao i akte Agencije za zaštitu osobnih podataka u Bosni i Hercegovini od 20.10.2022. godine i 07.07.2021. godine a koji se odnose na provjeru vjerodostojnosti diploma od strane Ureda za borbu protiv korupcije i upravljanja kvalitetom Kantona Sarajevo.

Agencija je temeljem svojim mjerodavnosti utvrđenih Zakonom o Agenciji za prevenciju korupcije i koordinaciju borbe protiv korupcije (“Službeni glasnik BiH”, broj: 103/09, 58/13) pokrenula inicijativu za pokretanje provjere/revizije diploma na svim razinama vlasti s namjerom da se konačno i na sistemski način otklone sve sumnje i nedoumice koje su se kontinuirano pojavljivale kada je u pitanju ova tematika.

Agencija je upoznata sa cjelokupnom situacijom vezanom za proces revizije diploma u Bosni i Hercegovini kao i sa predmetnom situacijom i slučajem vezanim za reviziju diploma između Ureda za borbu protiv korupcije i upravljanja kvalitetom Kantona Sarajevo i Agencije za zaštitu osobnih podataka u Bosni i Hercegovini o čemu smo se jasno očitovali kroz svoje Mišljenje broj: 05-50-3-112-30/17 od 19.08.2021. godine.

U tom smislu, Agencija ovim putem još jednom naglašava da u potpunosti daje svoju punu potporu procesu provjere/revizije diploma a koja je započeta i u velikoj mjeri gotovo i okončana na teritoriji cijele Bosne i Hercegovine uz naravno puno uvažavanje svih pravomoćnih sudbenih presuda koje mjerodavni sudovi donesu po ovome pitanju.

S poštovanjem,

Dostavljeno:
1x Naslovu
1x a/a

